



Broj: 101-1-1263/26

Datum: 27.3.2026.

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 170-1216/26 od 26.3.2026. godine, rektorica Univerziteta „Džemal Bijedić“ u Mostaru donosi

ODLUKU

o izboru najpovoljnijeg ponuđača u postupku javne nabavke „Namještaj za Studentski dom Antalija“

I

Prihvata se preporuka Komisije za javnu nabavku u postupku javne nabavke pod nazivom „Namještaj za Studentski dom Antalija“, broj: 170-1216/26 od 26.3.2026. godine i ugovor o nabavci robe u predmetnom postupku se dodjeljuje ponuđaču „R&S“ d.o.o. Sarajevo, Igmanska bb, 71 320 Vogošća u skladu s ponudom broj: 489/26 od 17.3.2026. godine.

II

Ugovor o nabavci robe se dodjeljuje ponuđaču iz tačke I ove Odluke, sa ukupnom cijenom u iznosu od **24.704,00 KM bez PDV-a**.

III

Izabrani ponuđač je dužan dostaviti dokaze u svrhu dokazivanja činjenica iz člana 45. Zakona o javnim nabavkama BiH („Službeni glasnik BiH“, broj: 39/14, 59/22 i 50/24), potvrđenih u Izjavi iz Aneksa 4 Tenderske dokumentacije u predmetnom postupku, u skladu sa tačkom 13.4. TD u roku od 5 (pet) dana od dana prijema Odluke o izboru najpovoljnijeg ponuđača.

IV

Ugovorni organ će dostaviti na potpis izabranom ponuđaču prijedlog ugovora, i to nakon isteka roka od 15 dana, računajući od dana prijema odluke o izboru najpovoljnijeg ponuđača.

V

Ova Odluka objavljuje se na web stranici Univerziteta, www.unmo.ba istovremeno sa upućivanjem obavještenja ponuđačima koji su učestvovali u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14, 59/22 i 50/24).

VI

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14, 59/22 i 50/24).



Obrazloženje

Odlukom broj: 101-1-729/26 od 20.2.2026. godine pokrenut je postupak javne nabavke namještaja za potrebe opremanja studentskih čitaonica i prostorija za odmor u Studentskom domu „Antalija“ Univerziteta „Džemal Bijedić“ u Mostaru, putem otvorenog postupka. Komisija za provođenje postupka javne nabavke namještaja, imenovana je Odlukom broj: 101-1-730/26 od 20.2.2026. godine. U skladu sa Odlukom o pokretanju javne nabavke ukupna procijenjena vrijednost nabavke bez PDV-a iznosi 25.000,00 KM. Obavještenje o nabavci broj: 66-1-1-47-3-23/26 objavljeno je na portalu javnih nabavki dana 27.2.2026. godine zajedno sa Tenderskom dokumentacijom broj: 101-1-872/26.

U skladu sa Tenderskom dokumentacijom i obavještenjem o nabavci dana 23.3.2026. godine sa početkom u 10:00 sati održano je javno otvaranje ponuda. U predviđenom roku za prijem ponuda (23.3.2026. godine do 9:30 sati) zaprimljene su 3 (tri) ponude kako slijedi:

Rb.	Broj protokola	Naziv/ime ponuđača (šifra)	Datum i sat prijema
1.	180-1151/26	R&S d.o.o. Sarajevo	18.3.2026. u 9:50 h
2.	180-1176/26	INTER-COM d.o.o. Zenica	23.3.2026. u 9:00 h
3.	180-1177/26	ALESTRA d.o.o. Sarajevo	23.3.2026. u 9:00 h

Nakon izvršenog pregleda ponuda, Komisija je konstatovala sljedeće:

Ponuda ponuđača „R&S“ d.o.o. Sarajevo je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.

Ukupna cijena ponude iznosi 24.704,00 KM bez PDV-a. Ponuđač nije dao popust na cijenu.

Ponuda ponuđača „INTER-COM“ d.o.o. Zenica je ocijenjena kao nepravilna jer nije u skladu s tenderskom dokumentacijom, te se odbacuje u skladu sa članom 68. stav (4) tačka i) Zakona o javnim nabavkama BiH.

Ugovorni organ je tačkom 16.1.c) Tenderske dokumentacije u predmetnom postupku zahtijevao da ponuđači imaju usklađeno poslovanje prema smjernicama standarda **ISO 10001, ISO 10002; ISO 45001**, sa obimom certifikacije koji obuhvata područje trgovine namještajem, u svrhu dokazivanja ispunjavanja uslova iz tačke 16.1.c) zahtijevao dostavljanje sljedećih dokumenata:

- Original ili ovjerena kopija važećeg certifikata ISO 10001:2018 ili ekvivalentnog certifikata (koji obuhvata obim trgovine namještajem)
- Original ili ovjerena kopija važećeg certifikata ISO 10002:2018 ili ekvivalentnog certifikata (koji obuhvata obim trgovine namještajem)
- Original ili ovjerena kopija važećeg certifikata ISO 45001:2018 ili ekvivalentnog certifikata (koji obuhvata obim trgovine namještajem)



Ponuđač INTER-COM d.o.o. Zenica u svojoj ponudi broj: 0066-03/26 uredno dostavio važeće certifikate ISO 10001:2018 i 45001:2018 na način kako je traženo TD. Međutim, ponuđač je dostavio ovjerenu kopiju certifikata ISO 10002:2019 koji nije važeći. Naime, na spomenutom certifikatu (i kopiji prevedenoj od strane ovlaštenog sudskog tumača) je naveden datum isteka: 12.4.2025. godine, što znači da isti nije važeći. Iz svega navedenog, Komisija je zaključila da ponuđač nije ispoštovao odredbe tenderske dokumentacije u predmetnom postupku u potpunosti, konkretno nije dostavio ispravan dokaz o ispunjanju uslova tehničke i profesionalne sposobnosti u skladu sa tačkom 16. Tenderske dokumentacije.

Ponuđači su dužni, u skladu sa članom 57. stav (1) Zakona o javnim nabavkama BiH i tačkom 19. TD u predmetnom postupku, pridržavati se zahtjeva i uslova iz tenderske dokumentacije. Na osnovu svega navedenog, ponuda je odbačena jer nije potpuna i ne ispunjava zahtjeve iz tenderske dokumentacije.

Ponuda ponuđača „ALESTRA“ d.o.o. Sarajevo je ocijenjena kao nepravilna jer nije u skladu s tenderskom dokumentacijom, te se odbacuje u skladu sa članom 68. stav (4) tačka i) Zakona o javnim nabavkama BiH.

Ugovorni organ je tačkom 30. Tenderske dokumentacije u predmetnom postupku propisao da ponude moraju važiti 90 (devedeset) dana, računajući od isteka roka za podnošenje ponuda. Ponuđač ALESTRA d.o.o. Sarajevo je na str. 4. svoje ponude broj: P-09/2026, u tački 5. Obrasca za ponudu (Aneks 1) naveo sljedeće: „Ova ponuda važi 90 (devedeset) dana, računajući od isteka roka za prijem ponuda, tj. do. 19.6.2026. godine“, što je 88 dana od dana isteka roka za podnošenje ponuda. U navedenom slučaju postoji proturiječnost u dostavljenom Obrascu za ponudu u kojoj je navedeno slovima da ponuda važi devedeset dana računajući od isteka roka za prijem ponuda, međutim suprotno tome, izričito je brojevima navedeno da ponuda važi do 19.6.2026. godine (odnosno da ponuda važi 88 dana).

Tenderskom dokumentacijom je propisano da u slučaju da je period važenja ponude kraći od perioda navedenog u Tenderskoj dokumentaciji, ugovorni organ će odbiti takvu ponudu.

Članom 60. stav (1) Zakona o javnim nabavkama navedeno je sljedeće: „Period važenja ponude određuje ugovorni organ u tenderskoj dokumentaciji. Period važenja ne može biti kraći od roka navedenog u tenderskoj dokumentaciji...“

S tim u vezi, ponuđač nije u potpunosti ispoštovao odredbe Tenderske dokumentacije u predmetnom postupku. Komisija se u svom radu pored zakonskih i podzakonskih odredbi, pozvala i na noviju praksu Ureda za razmatranje žalbi BiH, a vezano za istu problematiku, Rješenje broj: JN2-01-07-1-532-6/25 od 11.4.2025. godine.

U daljem dijelu ocjene ponuda, komisija je utvrdila da proizvod koji je ponudio ponuđač ne odgovara traženoj minimalnoj tehničkoj specifikaciji iz sljedećih razloga:

- Ugovorni organ je u tehničkoj specifikaciji za stavku broj 6. Tabure propisao orijentacione dimenzije, odnosno utvrdio raspone za širinu, visinu sjedećeg dijela od poda i dubinu. Raspon visine sjedeće dijela od poda iznosi 40-50 cm, dok je ponuđač



ponudio proizvod visine 38 cm što se ne uklapa u traženi raspon, te ne ispunjava postavljene uslove tenderske dokumentacije.

Ponuđači su dužni, u skladu sa članom 57. stav (1) Zakona o javnim nabavkama BiH i tačkom 19. TD u predmetnom postupku, pridržavati se zahtjeva i uslova iz tenderske dokumentacije. Na osnovu svega navedenog, ponuda je odbačena jer nije potpuna i ne ispunjava zahtjeve iz tenderske dokumentacije.

Nije bilo osnova za ispravku računskih grešaka u kompletnim i prihvatljivim ponudama.

Tačkom 28. Tenderske dokumentacije bilo je predviđeno održavanje e-aukcije, međutim kako je pristigla samo jedna prihvatljiva ponuda, e-aukcija nije ni zakazana u skladu sa članom 4. stav (2) Pravilnika o uslovima i načinu korištenja e-aukcije („Službeni glasnik BiH“, broj: 80/23).

Komisija za javnu nabavku jednoglasno je dala preporuku rektorici Univerziteta da se donese odluka o izboru najpovoljnijeg ponuđača, te da se ugovor o nabavci namještaja za Studentski dom Antalija, dodijeli ponuđaču „R&S“ d.o.o. Sarajevo, sa ukupnom cijenom ponude u iznosu od **24.704,00 KM bez PDV-a**. Komisija je jednoglasno utvrdila da je ponuda prihvatljiva i u skladu s tenderskom dokumentacijom, te je ocijenjena kao najpovoljnija u skladu s postavljenim kriterijem najniža cijena.

Ovom odlukom prihvaćen je prijedlog komisije. U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

Na osnovu svega navedenog, odlučeno je kao u dispozitivu ove odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 10 (deset) dana od dana prijema ove Odluke, u pisanoj formi direktno ili putem preporučene poštanske pošiljke, sve u skladu sa odredbama članova 99-108. Zakona o javnim nabavkama BiH.

REKTORICA

prof. dr. Alena Huseinbegović

Dostaviti:

1. „R&S“ d.o.o.
2. „INTER-COM“ d.o.o.
3. „ALESTRA“ d.o.o.
4. U predmet
5. a/a